



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-531-4/22**
Datum: **16.12.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „TEHNOPETROL“ d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda iz poslovno-proizvodnog objekta- radionice za obradu metala, izgrađene u naselju Bukinje, Grad Tuzla, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „TEHNOPETROL“ d.o.o. Tuzla, daje se vodna dozvola za ispuštanje tehnoloških otpadnih voda iz poslovno-proizvodnog objekta radionice za obradu metala, izgrađene u naselju Bukinje, Grad Tuzla, na zemljištu označenom kao k.č. broj: 703/1, 703/16, 703/17, 703/19, 704/1, 725/1, 727/1, 727/4, 727/5, 776/7 K.O. Bukinje, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice „TEHNOPETROL“ d.o.o. Tuzla, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 28. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda- tehnoloških otpadnih voda i oborinskih onečišćenih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Ukoliko Vlada propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.5. Da u roku važenja ovog Rješenja podnosilac zahtjeva pribavi građevinske dozvole od nadležnog organa za dio objekata (dvije radionice) koji su predmet ove dozvole a za koje ne posjeduje iste.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.

- 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za konačno zbrinjavanje istog potpiše ugovor sa ovlaštenom firmom za tu vrstu djelatnosti. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.12. Da se sa opasnim i štetnim materijama koje mogu dospjeti u vodu sa predmetne lokacije, postupi savjesno pri skladištenju, transportu i pretovaru kako ne bi došlo do štetnih posljedica usljed prosipanja istih.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „TEHNOPETROL“ d.o.o. Tuzla, se obratilo ovoj Agenciji sa zahtjevom zaprimljenim dana 04.10.2022 godine, za donošenje rješenja o vodnoj dozvoli za ispuštanje tehnoloških otpadnih voda iz poslovno-proizvodnog objekta radionice za obradu metala, izgrađene u naselju Bukinje, Grad Tuzla, na zemljištu označenom kao k.č. broj: 703/1, 703/16, 703/17, 703/19, 704/1, 725/1, 726/6 727/1, 727/4, 727/5, 776/7 K.O. Bukinje, Grad Tuzla.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra matični broj upisa 1-9747 od 22.07.2022 godine, izdatog od strane Općinskog suda u Tuzli-ovjerena kopija,

- Kopija odobrenja za građenje broj: 06/13-19-11152-2020-AF od 29.06.2020. godine izdata od strane Službe za prostorno uređenje i zaštitu okoline, Grad Tuzla,
 - Kopija odobrenja za građenje broj: 06/3-19-2929-2022 MS od 04.04.2022. godine izdata od strane Službe za prostorno uređenje i zaštitu okoline, Grad Tuzla,
 - Kopija odobrenja za građenje broj: 06/3-23-11768/19 MS od 03.02.2020. godine izdata od strane Službe za prostorno uređenje i zaštitu okoline, Grad Tuzla,
 - Kopija odobrenja za građenje broj: 06/3-19-10429-2022 MS od 29.06.2022. godine izdata od strane Službe za prostorno uređenje i zaštitu okoline, Grad Tuzla,
 - Rješenje o vodnoj saglasnosti broj: UP-I/25-2-40-001-3/22 od 13.01.202 godine izdato od strane Agencije za vodno područje rijeke Save, Sarajevo,
 - Rješenje o vodnoj saglasnosti broj: UP-I/25-2-40-601-4/19 od 12.12.2019 godine izdato od strane Agencije za vodno područje rijeke Save, Sarajevo,
 - Rješenje o vodnoj saglasnosti broj: UP-I/25-2-40-254-2/22 od 31.05.2022 godine izdato od strane Agencije za vodno područje rijeke Save, Sarajevo,
 - Kopija uplatnice administrativne takse,
 - Punomoć od 12.09.2022 godine za Zubčević Mensura uposlenik i kontakt osoba „TEHNOPETROL“ d.o.o. Tuzla,
 - Zapisnik o izvršenom tehničkom pregledu poslovnog objekta od 23.06.2022 godine,
 - Situacija iz Glavog projekta navedenog pod tačkom B.
- B. Tehnička dokumentacija
- Glavni projekat snabdijevanja vodom i dispozicija otpadnih voda za poslovni objekat-radionica broj: I-185-09/19 septembar 2019 godine, radionice za obradu metala, kompleks u naselju Bukinje, Grad Tuzla, urađen od strane „ATRIUS projekt“ d.o.o. Živinice (uvid prilikom uviđaja).
 - Studija za izdavanje predhodne vodne saglasnosti urađena od strane „ATRIUS projekt“ d.o.o. Živinice, april 2019 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-531-2/22 od 09.12.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće: Lokacija poslovnog kompleksa- radionice za obradu metala se nalazi u naselju Bukinje, Grad Tuzla, na zemljištu označenom kao k.č. broj: 703/1, 703/16, 703/17, 703/19, 704/1, 725/1, 727/1, 727/4, 727/5, 776/7 K.O. Bukinje, Grad Tuzla.

Na predmetnoj lokaciji se nalaze sljedeći sadržaji: objekat za pjeskarenje, objekat za farbanje, 5 objekata-radionica za obradu metala, upravna zgrada, nadstrešnica, trokomorna septička jama, AB separator masti i ulja manipulativne i saobraćajne površine.

Kapacitet proizvodnje je 700 t/godinu prerađenog metala.

Na predmetnoj lokaciji postoje izgrađeni objekti za koje su pribavljene dozvole dok za neke pribavljanje dozvola je u postupku. Podnosilac zahtjeva je pribavio dozvole za dvije radionice i objekat za farbanje. Obzirom da je sistem za prikupljanje, tretman i ispuštanje tehnoloških otpadnih voda, koje nastaju od aktivnosti u svim objektima, zajednički za sve objekte ovaj vodni akt obuhvata iste sa obavezom da se pribave preostale dozvole.

U predmetnim objektima obradom metala proizvodi se proizvode razni proizvodi.

Tehnološki proces se sastoji od skladištenja i obrade metala (rezanje, savijanje, varenje, pjeskarenje, farbanje...)

Manje količine lima i metala povremeno je potrebno očistiti od korozije i to će se vršiti pjeskarenjem do stadijuma da bi se moglo prefarbati. Pjeskarenje se izvodi upotrebom pijeska koji se u zraku velikom brzinom (gotovo brzina zvuka) mehanički tretira korodirani metal. Za osjetljivije materijale koristi se osjetljiviji materijal od pijeska.

Farbanje proizvoda se vrši ručno. U predmetnom objektu se prosuta farba čisti suhim putem i zbrinjava od strane ovlaštene firme.

U tehnološkom procesu nema upotrebe vode te ne nastaju tehnološke otpadne vode.

U proseku može doći do prosipanja materijala koji pada na pod te će se isti suhim putem čistiti (metlama ili usisivačem) i odlagati zatvorene posude za otpad odakle će ga nadležna komunalna preduzeća odvoziti na deponiju.

Prilikom uviđaja utvrđeno je da su manipulativne površine izložene mogućem uticaju onečišćenja od prometa sirovina-metala i drugih aktivnosti vezanih za proizvodnju. Oborinske vode sa manipulativnih površina se prikupljaju slivnicima i odvođe na AB separator masti i ulja, a potom preko okna za monitoring ispuštaju u potok Jošavicu.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda u predmetnom kompleksu u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „TEHNOPETROL“ d.o.o. Tuzla, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „TEHNOPETROL“ d.o.o. Tuzla, Đorđa Mihajlovića 4, Tuzla (Prilog-Studija navedena pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo